




АВЛИГАТАЙ ТЭМЦЭХ ГАЗАР

ҮЙЛ АЖИЛЛАГААНЫ ТОВЧ МЭДЭЭЛЭЛ 2025






Шударга ёс
хөгжил дэвшилд

ҮЙЛ АЖИЛЛАГААНЫ ТОВЧ МЭДЭЭЛЭЛ 2025



Улаанбаатар хот
2026 он



ГАРЧИГ



Онцлох үйл явдал



Авлигатай тэмцэх үндэсний хөтөлбөр



Гадаад харилцаа ба хамтын ажиллагаа



Авлигын гэмт хэргээс урьдчилан сэргийлэх, олон нийтийг соён гэгээрүүлэх



Судалгаа шинжилгээ



Нийтийн албан тушаалтны хувийн ашиг сонирхол болон хөрөнгө, орлогын мэдүүлэг, авлига, ашиг сонирхлын зөрчлийг хянан шалгах



Авлигын гэмт хэргийг илрүүлэх, мөрдөн шалгах



АВЛИГАТАЙ ТЭМЦЭХ ГАЗАР 2025 ОНД

Хөрөнгө буцаах сүлжээ (ARIN-AP)-ний бүгд хурлыг Улаанбаатар хотноо зохион байгуулав

Монгол Улс Ази-Номхон далайн орнуудын хөрөнгө буцаах байгууллага хоорондын сүлжээ (ARIN-AP)-ний 10 дахь удаагийн Жилийн бүгд хурлын даргалагч улсаар сонгогдсоны хувьд тус бүгд хурлыг 2025 оны 9 дүгээр сарын 23-26-ны өдрүүдэд амжилттай зохион байгуулав.

Хуралд хөрөнгө буцаах сүлжээний гишүүн орнууд, хууль сахиулах, гэмт хэрэгтэй тэмцэх олон улсын болон бүс нутгийн, үндэсний хэмжээний авлигатай тэмцэх байгууллага, НҮБ-ын Мансууруулах бодис, гэмт хэрэгтэй тэмцэх алба, Ойрх Дорнод, Хойд Африкийн хөрөнгө буцаах байгууллагуудын сүлжээний буюу 3 олон улсын байгууллага, 13 гадаад улс орны 60, Монгол Улсын хууль сахиулах чиг үүрэг бүхий 13 байгууллагын 90, нийт 150 зочин, төлөөлөгч оролцлоо.



Бүс нутгийн хэмжээнд авлигатай тэмцэж, шударга ёсыг бэхжүүлэх, хууль бус хөрөнгийн урсгалыг таслан зогсоох улс орнуудын хамтын ажиллагааг хөгжүүлэхэд энэхүү хурлын зорилго оршиж байгаа бөгөөд энэ удаагийн хурал “Цахим хөрөнгийг буцаан авах ажиллагаа болон хөрөнгийн менежментийн эрх зүйн зохицуулалт” үндсэн сэдвийн хүрээнд цахим хөрөнгийг буцаан авахад хиймэл оюун ухааны AI технологи хэрэглэх арга, сайн туршлага, яллахгүйгээр хөрөнгө хураан авах эрх зүйн зохицуулалт, бүс нутгийн хамтын ажиллагаа, хөрөнгийн менежментийн шинэ тренд зэрэг асуудлаар Австрали, Тайланд, Малайз, Филиппин, Папуа Шинэ Гвиней, Энэтхэг, Шинэ Зеланд улсын төлөөлөгчид илтгэл мэдээлэл хэлэлцүүлэн, олон улсын сайн туршлагаа хуваалцлаа.

Малайз Улсын Авлигатай тэмцэх хороотой хамтран ажиллах санамж бичигт гарын үсэг зурав



Авлигатай тэмцэх газрын дарга, тэргүүн комиссар З.Дашдаваагийн урилгаар Малайз Улсын Авлигатай тэмцэх хорооны дарга Тан Шри Дато' Шри Азам бин Баки тэргүүтэй төлөөлөгчид 2025 оны 2 дугаар сарын 24-28-ны өдрүүдэд Монгол Улсад ажлын айлчлал хийв.

Айлчлалын хүрээнд хоёр тал авлигатай тэмцэхэд бүхий л чиглэлээр хамтран ажиллахад бэлэн байгаагаа санал нэгтэй илэрхийлж, "Монгол Улсын Авлигатай тэмцэх газар болон Малайз Улсын Авлигатай тэмцэх хороо хооронд авлигаас урьдчилан сэргийлэх, тэмцэх чиглэлд хамтран ажиллах тухай харилцан ойлголцлын санамж бичиг"-т гарын үсэг зурав.



Тайландын Хаант Улсын Авлигатай тэмцэх үндэсний хороотой хамтран ажиллах санамж бичигт гарын үсэг зурав



Тайландын Хаант Улсын Авлигатай тэмцэх үндэсний хорооны дэд комиссар, ноён Паттарасак Ваннасаенг тэргүүтэй төлөөлөгчид 2025 оны 6 дугаар сарын 9-13-ны өдрүүдэд Монгол Улсад ажлын айлчлал хийлээ.

Талууд албан ёсны уулзалт хийж, байгууллага хоорондын найрсаг харилцаагаа цаашид улам гүнзгийрүүлэн хөгжүүлж, албан хаагчдыг мэргэшүүлэн сургах, харилцан туршлагаа солилцох, цаашид идэвхтэй хамтран ажиллахаар харилцан тохирч, Монгол Улсын Авлигатай тэмцэх газар болон Тайландын Хаант улсын Авлигатай тэмцэх үндэсний хороо хооронд авлигаас урьдчилан сэргийлэх, тэмцэх чиглэлээр хамтран ажиллах тухай “Харилцан ойлголцлын санамж бичиг”-т гарын үсэг зурлаа.

Эрх зүйн харилцан туслалцааны хүсэлт илгээв

2025 онд эрх зүйн харилцан туслалцаа үзүүлэх чиглэлээр олон улсын гэрээний хүрээнд Бүгд Найрамдах Франц Улс, Бүгд Найрамдах Казахстан Улс, АНУ, БНХАУ, БНХАУ-ын Засаг захиргааны онцгой бүс Хонконгийн эрх бүхий байгууллагад, Их Британийн Виржинийн арлуудын Ерөнхий прокурорын танхимд эрх зүйн харилцан туслалцааны хүсэлт хүргүүлж, Австри Улсад 2024 онд хүргүүлсэн гэмт хэргийн улмаас бий болсон хөрөнгийг царцаах талаар талаар эрх зүйн туслалцааны хүсэлтийн хүрээнд 2025 онд мэдээлэл солилцон мөрдөн шалгах ажиллагааг үргэлжлүүлэн явуулж байна. Япон Улсын Хууль зүйн яамнаас ирүүлсэн эрх зүйн харилцан туслалцааны хүсэлтийг хүлээн авч, мөрдөн шалгах тодорхой ажиллагааг хийж гүйцэтгэн хариуг хүргүүллээ.

Вinance дахь дансны шилжилт хөдөлгөөнийг хязгаарлав

Эрүүгийн хэргийн мөрдөн шалгах ажиллагааны явцад гэмт хэргийн улмаас бий болсон криптовалютыг олж илрүүлэн, Вinance дахь дансыг эрх бүхий байгууллагаар дамжуулан гүйлгээний шилжилт хөдөлгөөнд хязгаарлалт тогтоох арга хэмжээ авч, хэргийг шүүхэд шилжүүлэх саналтайгаар прокурорт хүргүүлсэн, цаашид уг криптовалютыг улсын төсөвт төвлөрүүлэх арга хэмжээ авахаар ажиллаж байна.

Авлигатай тэмцэх үйл ажиллагааны төлөвлөгөөний мониторингийн тайланг хүлээн авлаа



Эдийн засгийн хамтын ажиллагаа, хөгжлийн байгууллага (OECD)-ын Зүүн Европ, төв Азийн Авлигын эсрэг сүлжээний бүгд хуралд танилцуулагдсан Истанбулын Авлигатай тэмцэх үйл ажиллагааны төлөвлөгөөний 5 дугаар шатны мониторингийн тайланг хүлээн авлаа.

Хамтарсан ажлын хэсгийн мөрдөн шалгах ажиллагаа үргэлжилж байна

Улсын Ерөнхий прокурорын газрын Хэрэг бүртгэх, мөрдөн байцаах ажиллагаанд хяналт тавих прокурорын 2023 оны 5 дугаар сарын 29-ний 4/02 тоот тогтоолын дагуу АТГ, ЦЕГ-ын даргын 2023 оны 5 дугаар сарын 31-ний өдрийн А/34, А/134 дугаар хамтарсан тушаалаар байгуулагдсан Боловсрол, шинжлэх ухааны яамны харьяа Боловсролын зээлийн сангаас төрийн өндөр албан тушаалтнуудын хамаарал бүхий этгээдүүд хууль бус тэтгэлэг авч, эргэн төлөөгүй, мөн тэтгэлгийн мөнгийг хувийн дансаар авч завшсан, мөнгө угаасан байж болзошгүй гэх хэргийн мөрдөн шалгах ажиллагаа үргэлжилж байна.

“Нүүрсний” гэх нийт 103 хэрэгт мөрдөн шалгах ажиллагаа явуулав

Улсын Ерөнхий прокурорын газрын прокурорын 2022 оны 12 дугаар сарын 5-ны өдрийн 4/04 дугаартай тогтоолыг үндэслэн Нүүрс олборлолт, экспорт, боомтын нүүрсний тээвэрлэлт, төлбөртэй холбогдсон хэрэгт мөрдөн шалгах ажиллагаа явуулах Авлигатай тэмцэх газар, Тагнуулын ерөнхий газар, Цагдаагийн ерөнхий газрын даргын 2022 оны 12 дугаар сарын 6-ны өдрийн А/101, А/119, А/326 дугаартай тушаалын дагуу томилогдсон 21 мөрдөгчийн бүрэлдэхүүнтэй хамтарсан ажлын хэсгээс нийт 103 хэрэгт мөрдөн шалгах ажиллагаа явуулж, 59 хэргийг шийдвэрлэснээс 83 холбогдогчтой 15 хэрэг шүүхээр шийдвэрлэгдэж, одоо 36 хэрэгт мөрдөн шалгах ажиллагааг үргэлжлүүлэн явуулж байна.

Нийт 3034 гомдол, мэдээлэл хүлээн авлаа

2025 онд байгууллагын хэмжээнд иргэн, аж ахуйн нэгж, байгууллага, албан тушаалтнаас нийт 3,034 гомдол, мэдээлэл хүлээн авч, холбогдох хэлтсүүдэд хуваарилан хянан шалгасан.

Өмнөх оны мөн үетэй харьцуулахад өргөдөл, гомдол, мэдээлэл 243 нэгжээр өсөж, гэмт хэргийн шинжтэй гомдол, мэдээлэл 23 нэгжээр буурсан үзүүлэлттэй байна.



Тайлант хугацаа өмнөх оны мөн үетэй харьцуулахад



Эрүүгийн хууль болон Эрүүгийн хэрэг хянан шийдвэрлэх тухай хуульд нэмэлт, өөрчлөлт оруулах тухай хуулийн төслүүдийн ажлын хэсэгт эрх бүхий албан тушаалтнууд оролцож, санал боловсруулан ажиллав.

Дараах хуулийн төслүүдэд тусгах саналыг боловсруулж, хууль санаачлагч болон эрх бүхий байгууллагад хүргүүлэв:



Саналуудыг Засгийн газрын Хэрэг эрхлэх газар, Хууль зүй, дотоод хэргийн яам болон бусад эрх бүхий байгууллага, албан тушаалтанд уламжилсан.

Гэмт хэргийн статистик мэдээг ҮСХ-нд хүргүүлээ

Авлигын эсрэг хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуульд заасныг баримтлан байгууллагын мэдүүлэг гаргавал зохих албан хаагчдын 2024 оны мэдүүлгийн бүрдүүлэлтийн үйл ажиллагаа болон албан тушаалтнуудын 2024 оны хувийн ашиг сонирхлын мэдүүлэг болон хөрөнгө, орлогын мэдүүлгийн шинэчилсэн бүртгэлийн тухай мэдээллийг Улсын Их Хурлын Хууль зүйн байнгын хороонд, Монгол Улсын Ерөнхийлөгчийн 2024 оны 73 дугаар зарлигаар баталсан “Монгол Улсын Үндэсний аюулгүй байдлын зөвлөлийг мэдээллээр хангах журам”-д зааснаар холбогдох мэдээ, мэдээллийг Үндэсний аюулгүй байдлын зөвлөлд, ХАСХОМ-ийн тайлан, мөрдөн шалгах ажиллагаа явуулсан гэмт хэргийн талаарх гомдол, мэдээлэл, гэмт хэргийн статистик мэдээг боловсруулан Үндэсний статистикийн хороонд тус тус хүргүүлж, хуулийн хэрэгжилтийг ханган ажиллалаа.

“Монгол Улсын институцийн шударга, ил тод байдал” төслийн хоёрдугаар шат хэрэгжиж эхэллээ

Олон улсын хөгжлийн эрх зүйн байгууллага (IDLO)-аас хэрэгжүүлэхээр төлөвлөсөн “Монгол Улсын институцийн шударга, ил тод байдал /2024–2027/” төслийн хоёрдугаар хөтөлбөрийн хүрээнд Авлигын гэмт хэргийг мөрдөн шалгах, илрүүлэх, түүнээс урьдчилан сэргийлэх, хяналтын тогтолцоог бэхжүүлэх, санхүүгийн мөрдөн шалгах ажиллагаа, түүний дотор хөрөнгө, орлого, зарлагыг

хянах болон эрх зүйн туслалцаа харилцан үзүүлэх ажиллагааны чиглэлээр мөрдөгчдийн мэргэжлийн ур чадварыг дээшлүүлэх, авлигатай тэмцэх, урьдчилан сэргийлэх иргэд, олон нийтийн мэдлэг, ойлголтыг нэмэгдүүлэхэд чиглэгдсэн арга хэмжээг тус төсөлд үндэслэн хэрэгжүүлэхээр төлөвлөн нээлтийн үйл ажиллагааг 2025 оны 12 дугаар сарын 12-ны өдөр зохион байгууллаа.



АВЛИГАТАЙ ТЭМЦЭХ ҮНДЭСНИЙ ХӨТӨЛБӨР

Үндэсний хөтөлбөрийг хэрэгжүүлэх үүрэг бүхий 128 байгууллагад зөвлөмж хүргүүлэв

Монгол Улсын Их Хурлаас 2024 оны 5 дугаар сарын 16-ны өдрийн 46 дугаар тогтоолоор баталсан “Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөө”-нд тусгагдсан арга хэмжээний хэрэгжилтийг зохион байгуулах, хэрэгжүүлэгч байгууллагуудын үйл ажиллагааг улсын хэмжээнд уялдуулан зохицуулах, зөвлөмж өгөх, мэргэжил, арга зүйн туслалцаа үзүүлэх, хяналт тавих, тайлан мэдээг нэгтгэх, хяналт, шинжилгээ-үнэлгээ хийх ажлыг гүйцэтгэж байна.

Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөөнд 2024 онд хэрэгжүүлэхээр 122 арга хэмжээг төлөвлөсөн бөгөөд Засгийн газрын Хэрэг эрхлэх газартай хамтран Засгийн газрын 2020 оны 206 дугаар тогтоолоор батлагдсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг баримтлан төлөвлөгөөний хэрэгжилтэд хяналт-шинжилгээ, үнэлгээ хийхэд 2024 оны хэрэгжилт 66,1 хувьтай үнэлэгдлээ. Хяналт-шинжилгээ, үнэлгээний дүн болох үйл ажиллагааг үр дүнд чиглүүлэх, гүйцэтгэлийг хангах талаар санал санаачилгатай ажиллах, хөтөлбөрийг хэрэгжүүлэх үүрэг бүхий 128 байгууллагад цаашид авах арга хэмжээний талаар зөвлөмж хүргүүлэн, хэрэгжилтэд нь хяналт тавин ажиллаж байна.

“Шударга байдлын үнэлгээг дээшлүүлэх арга хэмжээний тусгайлсан төлөвлөгөө”-г батлуулав

Хөтөлбөрийн зорилго 2-ын 2.6-д заасан арга хэмжээний хүрээнд Шударга байдлын 2024 оны үнэлгээгээр хамгийн бага оноо авсан Боловсрол, шинжлэх ухааны яам, Уул уурхай, хүнд үйлдвэрийн яам, Ашигт малтмал, газрын тосны газар, Цаг уур, орчны шинжилгээний газар, Үндэсний геологийн алба, Баянхонгор, Дорнод, Завхан, Ховд, Сүхбаатар аймгийн Засаг даргын Тамгын газрын эрх бүхий албан тушаалтнуудтай уулзаж “Шударга байдлын үнэлгээг дээшлүүлэх арга хэмжээний тусгайлсан төлөвлөгөө”-г батлуулж, хэрэгжүүлэхэд мэргэжил арга зүйн дэмжлэг, туслалцаа, зөвлөгөө өгч, хяналт тавин ажиллалаа.

Төрийн өмчит 45 хуулийн этгээдэд авлигын эсрэг стандарт нэвтрүүлж байна

“ISO37001 Авлигын эсрэг менежментийн тогтолцоо” стандартыг 2030 онд хүртэлх хугацаанд төрийн өмчит 45 хуулийн этгээдэд нэвтрүүлэхээр төлөвлөснөөс “Эрдэнэт үйлдвэр” ТӨҮГ, “Дарханы төмөрлөгийн үйлдвэр” ТӨХК, “Цемент шохой” ХХК, “Мэдээлэл холбооны сүлжээ” ХХК, “Төрийн орон сууцны корпорац” ХХК, “МИАТ” ТӨХК, “Эрчим хүчний үндэсний төв” ТӨХК үйл ажиллагаандаа нэвтрүүлээд байна.

Бүтээн байгуулалтын ажлын төсөв, санхүү, зарцуулалт, гүйцэтгэлийн авлигын эрсдэлийг хянаж байна

Авлигын эрсдэлээс урьдчилан сэргийлэх, авлигыг таслан зогсоох зорилгоор үндэсний хөгжлийн бодлого, төлөвлөлтийн хүрээнд хийхээр төлөвлөсөн бүтээн байгуулалтын ажлын төсөв, санхүү, зарцуулалт, гүйцэтгэлийн авлигын эрсдэлд хөндлөнгийн хяналт тавьж, үүсч болзошгүй эрсдэлээс урьдчилан сэргийлэх ажил, арга хэмжээг хэрэгжүүлэн ажиллалаа.

“Эрдэнэбүрэнгийн усан цахилгаан станц барих төсөл”-ийн удирдлагад авлига, ашиг сонирхлын зөрчлөөс урьдчилан сэргийлэх чиглэлээр зөвлөмж хүргүүлж, Ховд аймгийн холбогдох албан тушаалтнуудтай цахим уулзалт хийж, төслийн ажилтнуудад хөндлөнгөөс нөлөөлөх, аль нэг хуулийн этгээдэд давуу байдал олгох зэргээр авлигын эсрэг хууль тогтоомжид заасан хориглолтыг зөрчихгүй байх талаар Ховд аймгийн ИТХ-ын даргад зөвлөмж хүргүүлсэн.

Их багтаамжийн нийтийн тээврийн хэрэгсэл “Метро” барих төслийн нэгжийн эрх бүхий албан тушаалтнуудтай уулзаж, авлига, ашиг сонирхлын зөрчлөөс урьдчилан сэргийлэх чиглэлээр зөвлөгөө, мэдээлэл өгч сургалт хийв.

“Улаанбаатар-Дарханы замд нэмэлт хоёр эгнээ барих төсөл”, “Ногоон нуур-1008 айлын орон сууц” төсөл, “Улаанбаатарт их багтаамжийн нийтийн тээврийн хэрэгсэл “Метро” байгуулах”, “Улаанбаатар трамвай”, “Туулын хурдны зам”, “Шинэ тойрог зам”, “Дүүжин замын тээвэр”, “Тусгай замын автобус”, “Эрчим хүчний багц төсөл”-ийн менежер, ажилтнуудтай цуврал уулзалтууд хийж, авлигын эрсдэлээс урьдчилан сэргийлэх чиглэлээр зөвлөгөө, мэдээ, мэдээллийг тогтмол өгч ажиллаж байгаагийн зэрэгцээ холбогдох төслийн нэгж, Нийслэлийн засаг дарга бөгөөд Улаанбаатар хотын захирагчид зөвлөмж хүргүүллээ.

ГАДААД ХАРИЛЦАА БА ХАМТЫН АЖИЛЛАГАА

Гадаад харилцааны чиглэлээр: 2025 онд байгууллагын гадаад харилцаа, хамтын ажиллагааг өргөжүүлэн хөгжүүлэх, олон улсын өмнө хүлээсэн үүргээ амжилттай хэрэгжүүлэх, Авлигын эсрэг конвенцийг хэрэгжүүлэх чиглэлээр олон улсын болон гадаад улсын ижил чиг үүрэг бүхий байгууллагатай нягт хамтран ажиллалаа.

Бүгд Найрамдах Узбекистан Улсын Авлигатай тэмцэх агентлагтай авлигаас урьдчилан сэргийлэх, соён гэгээрүүлэх, нийтийн алба, төрийн байгууллагуудын үйл ажиллагааны ил тод, нээлттэй байдлыг хангах талаар хамтын ажиллагааг өргөжүүлэх, сайн туршлага солилцох, албан хаагчдын мэргэжлийн ур чадварыг дээшлүүлэх чиглэлээр хамтран ажиллах, энэ чиглэлээр “Харилцан ойлголцлын санамж бичиг” байгуулах бэлтгэлийг ханган ажиллалаа.

2025 оны 4 дүгээр сарын 1-ний өдөр Эрүүдэн шүүхээс урьдчилан сэргийлэх нийгэмлэг (АРТ)-ийн ахлах зөвлөх Бэн Баклэндийг Авлигатай тэмцэх газар (АТГ)-ын дарга, тэргүүн комиссар З.Дашдаваа, АТГ-ын дэд дарга, эрхэлсэн комиссар Г.Азжаргал, Тамгын хэлтсийн дарга, эрхэлсэн комиссар З.Баасанням нар хүлээн авч уулзан, хоёр талын хамтын ажиллагаа болон мөрдөн шалгах ажиллагааны явцад үр дүнтэй мэдүүлэг авах загвар буюу PEACE model-ийг үйл ажиллагаанд нэвтрүүлэх талаар харилцан ярилцав.





2025 оны 6 дугаар сарын 25-ны өдөр АТГ-ын дарга, тэргүүн комиссар З.Дашдаваа тэргүүтэй төлөөлөгчид ИБУИНХУ-ын парламент дахь Олон улсын парламентын холбоотой харилцах бүлгийн дарга Фабиан Хамильтон тэргүүтэй төлөөлөгчдийг хүлээн авч уулзан, авлигын эсрэг хэрэгжүүлж буй бодлого, үйл ажиллагаа, олон улсын хамтын ажиллагаа, авлигын эсрэг эрх зүйн зохицуулалтын талаар танилцуулав.



2025 оны 1 дүгээр сарын 31-ний өдөр Австралийн Холбооны Улсын Элчин сайдын яамны Дэд тэргүүн Андрю Бэрримэн болон улс төрийн ажилтан Хайдар Аршад, 2025 оны 3 дугаар сарын 20-ны өдөр Австралийн Холбооны цагдаагийн олон улсын удирдлагын газрын Бээжин дэх төлөөлөгч, ноён Жефф Коклес болон тус улсын Элчин сайдын яамны улс төрийн ажилтан Хайдар Аршад, 2025 оны 3 дугаар сарын 18-ны өдөр Их Британи, Умард Ирландын Нэгдсэн Хаант Улсын Үндэсний гэмт хэрэгтэй тэмцэх газрын Бээжин дэх холбогч офицер Дэвид Сатклифф нарыг АТГ-ын дэд дарга, эрхэлсэн комиссар Г.Азжаргал хүлээн авч уулзан, АТГ-ын үйл ажиллагааг танилцуулж, хамтын ажиллагааны талаар ярилцлаа.

2025 оны 6 дугаар сарын 16-ны өдөр АТГ-ын дэд дарга, эрхэлсэн комиссар Г.Азжаргал ОУВС-гийн төлөөлөгчдийг хүлээн авч уулзан “Авлигатай тэмцэх жил”-ийн хүрээнд хэрэгжүүлсэн бодлого, үйл ажиллагаа, хууль эрх зүйн орчин, Авлигатай тэмцэх үндэсний хөтөлбөрийн хэрэгжилтийн талаар мэдээлэл өгч, төсөв, санхүүгийн хяналт, төрийн өмчит компаниудын засаглалын талаар,



2025 оны 8 дугаар сарын 5-ны өдөр АНУ-ын Элчин сайдын яамны Бүс нутгийн аюулгүй байдлын хэлтсийн дарга Сара Бет Машл, хуулийн асуудал хариуцсан туслах атташе Шоун Сианг нарыг хүлээн авч уулзан цаашдын хамтын ажиллагааг бэхжүүлэх талаар,



2025 оны 10 дугаар сарын 31-ний өдөр НҮБ-ын Мансууруулах бодис, гэмт хэрэгтэй тэмцэх албаны Зүүн өмнөд Ази, Номхон далайн бүсийн дэд дарга Бенедикт Хоффман, тус албаны Монгол дахь бүсийн төлөөлөгч Дук Лонг Нгүезн тэргүүтэй төлөөлөгчдийг хүлээн авч уулзан албан хаагчдын мэргэжлийн түвшинг дээшлүүлэх сургалт болон цаашдын хамтын ажиллагааны талаар дэлгэрэнгүй ярилцаж, санал солилцов.



2025 оны 3 дугаар сарын 8-14-ний өдрүүдэд зохион байгуулагдсан “НҮБ-ын Иргэний болон улс төрийн эрхийн тухай олон улсын пакт”-ын хэрэгжилтийн талаарх Монгол Улсын долоо дахь ээлжит тайланг хэлэлцүүлэн хамгаалах арга хэмжээнд эрх бүхий албан хаагчид оролцож, холбогдох асуудлаар мэдээлэл өглөө.

Гадаад улс оронд зохион байгуулагдсан “Авлигатай тэмцэх дэлхийн форум”, “Зүүн Өмнөд Азийн Авлигатай тэмцэх бага хурал-Жакартагийн тунхаглалыг эргэн санах нь” арга хэмжээ, Бүсийн хөрөнгө буцаах байгууллагуудын сүлжээний 11 дэх уулзалт, авлигатай тэмцэх байгууллага хоорондын дэлхийн сүлжээ (GlobE)-ний

6 дахь Бүгд хурал, “Авлига ба татварын асуудлаарх Азийн бүсийн уулзалт”, Эдийн засгийн хамтын ажиллагаа, хөгжлийн байгууллагын Зүүн Европ, Төв Азийн Авлигын эсрэг сүлжээний (ACN) Бүгд хурал, Ази, Номхон далайн мөнгө угаахтай тэмцэх бүлэг (APG)-ийн 2025 оны Жилийн хурал болон Техникийн туслалцаа, сургалтын форум, Ойрх дорнод, хойд Африкийн хөрөнгө буцаах байгууллага хоорондын сүлжээ (MENA-ARIN)-ний Бүгд хурал, Эдийн засгийн хамтын ажиллагаа ба хөгжлийн байгууллага (OECD)-ын Авлигын эсрэг сүлжээний Хууль сахиулагчдын сүлжээ (ACN LEN)-ний уулзалт, Авлигын эсрэг НҮБ-ын конвенцын оролцогч талуудын бага хуралд албан хаагчид оролцлоо.

АВЛИГЫН ГЭМТ ХЭРГЭЭС УРЬДЧИЛАН СЭРГИЙЛЭХ, ОЛОН НИЙТИЙГ СОЁН ГЭГЭЭРҮҮЛЭХ

Соён гэгээрүүлэх арга хэмжээнд 57 772 хүнийг хамруулав

Авлигын эсрэг хууль тогтоомж болон Авлигатай тэмцэх үндэсний хөтөлбөрийн хэрэгжилтийг хангах, авлигаас урьдчилан сэргийлэх, соён гэгээрүүлэх чиглэлээр 107 төрийн бус байгууллага, иргэний нийгмийн байгууллагатай хамтран ажиллаж, дараах аян хөтөлбөр арга хэмжээг зохион байгуулав.



Авлигын эсрэг сургалт



“Шударга байх хамгийн гоё” өдөрлөг



“Mock Trial 2025” мэтгэлцээн



“Шударга ёсны клуб”-ын сургалт



Нийгмийн хамгааллын салбар дахь арга хэмжээ



Сургагч багш бэлтгэх сургалт



“Teamwork & Teampay Mongolia” хөтөлбөр



“Шударга нийгмийн төлөө хамтдаа” өдөрлөг-сургалт



Төрийн бус байгууллагатай хамтарсан сургалт

Төрийн 79 байгууллагад 85 зөвлөмж хүргүүлэв

АВЛИГА ГАРЧ БОЛОХ НӨХЦӨЛ БОЛОМЖ БҮРДҮҮЛСЭН,

нийт **17** салбарт хамаарах

244 шийдвэр, дүрэм, журмыг хянаж, хуульд заасан шаардлага хангуулах саналыг хүргүүлснээс эрх бүхий байгууллагаас

101 захиргааны хэм хэмжээний актыг бүхэлд нь хүчингүй болгож, **6** актын холбогдох хэсгийг хүчингүй болгон шийдвэрлэсэн байна.



Авлигын гэмт хэрэг, зөрчлөөс урьдчилан сэргийлэх, авлигын шалтгаан нөхцөл, авлигын үйлдлийг таслан зогсоох, үр дагаврыг арилгах, төрийн үйлчилгээг хүнд суртал, чирэгдэлгүй үзүүлэх, авлигын эрсдэлийг бууруулах чиглэлээр давхардсан тоогоор **79** байгууллагад **85** зөвлөмж хүргүүлж, хэрэгжилтэд хяналт тавин ажиллаж байна.

66

Авлигын эрсдэл, шалтгаан, нөхцөлийг илрүүлэн тогтоох, авлигын үйлдлийг таслан зогсоох, үр дагаврыг арилгах чиглэлээр төрийн нийт **156** байгууллагын үйл ажиллагааг газар дээр нь танилцсаны үр дүнд **40** байгууллагад зөвлөмж, **10** байгууллагад шаардлага, **12** байгууллагад арга зүйн зөвлөгөө өгөв.

99


АВЛИГЫН ШАЛТГААН, НӨХЦӨЛИЙГ СУДЛАН ШИНЖЛЭХ

Шударга байдлын үнэлгээ-2025

ШБҮ нь төрийн үйлчилгээ авсан иргэд, аж ахуйн нэгжийн үнэлгээ буюу гадаад шударга байдлын үнэлгээ (ГШБҮ), төрийн байгууллагын албан хаагчдын үнэлгээ буюу дотоод шударга байдлын үнэлгээ (ДШБҮ) болон тухайн байгууллагын мэргэжлийн үйл ажиллагаатай холбоотой бодлогод оролцогч, шинжээчдээс авах үнэлгээ буюу бодлогод оролцогчдын үнэлгээ (БОҮ) гэсэн гурван бүрэлдэхүүний хүрээнд 62 дэд үзүүлэлтээр тодорхойлогддог.

“Шударга байдлын үнэлгээ-2025” судалгаанд төрийн 81 байгууллагаар үйлчлүүлсэн 10840 иргэд, ААН-ийн төлөөлөл, 2660 төрийн албан хаагчдын төлөөлөл, 1530 бодлогод, оролцогч, шинжээчид хамрагдсан ба мэдээлэл цуглуулалтыг Улаанбаатар хот болон 21 аймаг даяар зохион байгуулсан. Төрийн гүйцэтгэх эрх мэдлийн 81 байгууллагад 16 яам, 34 агентлаг, 21 аймгийн ЗДТГ, нийслэл, дүүргийн 10 ЗДТГ багтаж байна.

2025 оны төрийн байгууллагуудын дундаж ШБҮ нь 74.9 болж, өмнөх онтой харьцуулахад 2.3 оноогоор өссөн. ШБҮ-ний бүрэлдэхүүн болох ГШБҮ 1.6 оноогоор, ДШБҮ 0.8 оноогоор, БОҮ 4.5 оноогоор тус тус өссөнөөр ШБҮ-ний дундаж оноог нэмэгдүүлжээ. Бүрэлдэхүүн үзүүлэлтүүдийн 2025 оны үнэлгээ нь ГШБҮ 70.7, ДШБҮ 82.4 ба БОҮ 71.7 гэсэн үр дүнтэй байна.



Авлигын талаарх олон нийтийн ойлголт, мэдлэг тогтоох судалгаа

Судалгаанд нийт 780 респондент хамрагдсан бөгөөд оролцогчдын 51.5 хувь нь сүүлийн хоёр жилийн хугацаанд авлигын түвшин нэмэгдсэн гэж үзсэн байна. Түүнчлэн ойрын ирээдүйд авлигын нөхцөл байдал сайжрах төлөв сул байна гэж үзжээ. Иргэдийн үнэлгээгээр жижиг хэмжээний авлигаас илүү дээд түвшний, системийн шинжтэй авлига газар авч, төрийн болон хууль сахиулах байгууллагад итгэх итгэл буурсан байна. Авлигын энэ нөхцөл байдал үүсэх болсон гол шалтгаанаар төр болон бизнесийн

ашиг сонирхлын огтлолцол, институцийн хариуцлагын тогтолцооны сул байдал, хууль хяналтын байгууллагын авлигад өртөмтгий байдлыг иргэд онцлон дурджээ.

Олон нийтийн үзэл, хандлагын дүнгээс харахад авлигын түвшинг бууруулахын тулд хууль эрх зүйн орчныг сайжруулах, хөрөнгө орлогын мэдүүлгийн хяналт, хариуцлагын тогтолцоог чангатгах, төрийн үйлчилгээг цахимжуулж ил тод байдлыг нэмэгдүүлэх нь үр нөлөөтэй гэж үзсэн байна.



Бизнес эрхлэлтийн орчин дахь авлигын нөхцөл байдал

Бизнес эрхлэлтийн орчин дахь авлигын нөхцөл байдлын судалгаанд нийслэлийн **9** дүүргийн **350** аж ахуй нэгжийн захирал, удирдах албан тушаалтнууд хамрагдсан.

Судалгаанд оролцогчдын сэтгэл ханамжийн үнэлгээ сүүлийн **10** судалгааны дунджаар тогтмол буурсан үзүүлэлт ажиглагдаж бизнесийн орчин жил бүр хүндэрч байгааг харуулж байна. Үүнээс үйлдвэрлэлийн салбар **81.4** хувь, барилгын салбарын **80** хувь, үйлчилгээний салбарын **77.6**, худалдааны салбарын **68.8** хувь нь сэтгэл хангалуун бус гэж үнэлжээ. Мөн хамгийн саад, дарамт учруулж буй төрийн байгууллагаар татварын алба, салбарын мэргэжлийн хяналт, гаалийн байгууллага үнэлэгдэж, бизнесийн орчинд өндөр татвар, шалгалт, нарийн төвөгтэй журам хамгийн том асуудал болсон байна.

Харин төрийн албаны авлигын хэмжээг үнэлүүлэхэд нөхцөл байдал мэдэгдэхүйц сайжирч сөрөг хандлага огцом буурсан, төрийн худалдан авах ажиллагаа болон гэрээ байгуулах ажиллагаанд авлига тохиолдох байдал тогтмол бууралттай буюу эерэг үзүүлэлтүүд ажиглагдаж байна. Мөн судалгаанд хамрагдсан аж ахуй нэгжүүдийн **2** байгууллага тутмын **1** нь авлигатай тэмцэх чиглэлээр ямар нэгэн арга хэмжээ огт зохион байгуулдаггүй байна.

Бизнес эрхлэлтийн орчин дахь нөхцөл байдлын судалгаа

2025 онд бизнесийн ерөнхий
сэтгэл ханамж огцом буурав.

-0.94 Дундаж үнэлгээ
болж буурав.



55.5%

Татварын өндөр дарамтыг бизнесийн
хамгийн том саад гэж үзэж байна.

23.6%

Хууль эрх зүйн
тогтворгүй байдал

17%

Ажиллах хүчний
хомсдол

Татварын байгууллага

59%

Татварын байгууллагыг
хамгийн хүндрэлтэй
байгууллага гэж үзжээ.

2018 оноос
24.5%-иар өссөн
байна.

Төрийн болон хувийн хэвшлийн авлигын
талаарх ойлголтын өөрчлөлт

Төрийн албаны авлигын үнэлгээ
мэдэгдэхүйц сайжирсан байна.

26%

Судалгаанд оролцогчдын 26%
нь төрийн албан дахь авлига
"маш өндөр" гэж үзжээ.

50%
2015 онд

34%

Судалгаанд оролцогчдын 34%
нь хувийн хэвшлийн авлига
"өндөр/маш өндөр" гэж
үнэлжээ.

27%
2018 онд

Бизнесийн байгууллагуудад дотоод
авлигын эсрэг санаачилга дутмаг байна.

54.6% Авлигатай тэмцэх чиглэлээр "ямар нэгэн
арга хэмжээ огт авдаггүй" гэж хариулжээ.

НИЙТИЙН АЛБАН ТУШААЛТНЫ ХУВИЙН АШИГ СОНИРХЛЫН БОЛОН ХӨРӨНГӨ, ОРЛОГЫН МЭДҮҮЛЭГ, АВЛИГА, АШИГ СОНИРХЛЫН ЗӨРЧЛИЙГ ХЯНАН ШАЛГАХ

ХАСХОМ-ийг шинэчлэн мэдүүлэх хуулийн хугацаанд улсын хэмжээнд нийт төрийн болон нутгийн захиргааны нийт 130 байгууллагын 48841 мэдүүлэг гаргагч мэдүүлгээ мэдүүлж, баталгаажууллаа.

Төрийн болон нутгийн захиргааны албан тушаалтны 2024 оны ХОМ-ийн хураангуйг <http://www.xасхoм.iaас.mn> цахим хуудсанд 2025 оны 6 дугаар сарын 30-ны өдөр байршуулж ил тод, нээлттэй мэдээллээ.

Бодит эрсдэлд суурилсан төлөвлөгөөт хяналт шалгалтаар 24 албан тушаалтны мэдүүлгийг шалгаж шийдвэрлэснээс 9 албан тушаалтанд авлигын эсрэг хууль тогтоомжид заасан хариуцлага тооцуулж, 3 албан тушаалтны үндэслэлгүйгээр хөрөнгөжсөн байж болзошгүй үйлдлийг тогтоон тус газрын Мөрдөн шалгах хэлтэст шилжүүллээ.

Ашиг сонирхлын зөрчилд хамаарах гомдол, мэдээллийн шийдвэрлэлт

Иргэн, аж ахуйн нэгж,
байгууллагаас ирүүлсэн
945 ГОМДОЛ,
МЭДЭЭЛЛИЙГ ХЯНАН
ШИЙДВЭРЛЭСЭН
Шийдвэрлэлт 94.0 хувьтай.

Хянан шалгасан гомдол, мэдээллээс
159 АЛБАН ТУШААЛТАНД
ХОЛБОГДОХ ЗӨРЧИЛ ТОГТООГДОЖ
гэмт хэргийн шинжтэй байж
болзошгүй гэж үзэн
ЭРХ БҮХИЙ ХЭЛТЭСТ 75
ШИЛЖҮҮЛСЭН

Зөрчил гаргасан 84 албан тушаалтанд сахилгын хариуцлага оногдуулахаар шийдвэрлэсэн.

Ашиг сонирхлын зөрчилд хамаарах нийт гомдол, мэдээллийн 94.7 хувийг хуулийн анхны хугацаанд, 5.3 хувийг хуулийн хүрээнд хугацаа сунган шийдвэрлэсэн бөгөөд тайлант үед хугацаа хэтэрсэн тохиолдол бүртгэгдээгүй.

Нийтийн албан тушаалтны ХАСХОМ хяналт шалгалт

110 нийтийн албан тушаалтны ХАСХОМ-ийг хянан шийдвэрлэсэн. Хяналт шалгалтын үр дүнд Авлигын эсрэг хууль тогтоомжийн дагуу **29 нийтийн албан тушаалтанд** хариуцлага тооцуулав.

НОГДУУЛСАН САХИЛГЫН ШИЙТГЭЛ:



**ЦАЛИНГИЙН
ХУВЬ ХЭМЖЭЭГ**
БУУРУУЛАХ
**13 МЭДҮҮЛЭГ
ГАРГАГЧ**



**АЛБАН
ТУШААЛ**
БУУРУУЛАХ
**10 МЭДҮҮЛЭГ
ГАРГАГЧ**



**АЖЛААС
ХАЛАХ**
**4 МЭДҮҮЛЭГ
ГАРГАГЧ**



САНУУЛАХ
**2 МЭДҮҮЛЭГ
ГАРГАГЧ**

Нийтийн албанд томилогдохоор нэр дэвшсэн этгээдийн ХАСУМ хянан шийдвэрлэлт

Нийтийн албанд
томилогдохоор нэр
дэвшсэн

19287 этгээдийн **ХАСУМ**-ийг
хянан шийдвэрлэж, хариуг
хүргүүлсэн,

Шийдвэрлэлт
98.3 хувьтай.

85 этгээд тухайн албан тушаалд томилогдоход илт ашиг сонирхлын зөрчилтэй нь тогтоогдсон. ХАСУМ хянуулаагүй томилсон **37** албан тушаалтанд хуульд заасан хариуцлага тооцуулах албан бичиг хүргүүлсэн.

Хяналт шалгалтын явцад нөхөн төлүүлсэн дүн

Хяналт шалгалтын хүрээнд албан тушаалтанд хариуцлага тооцуулахаас гадна зарим байгууллага, иргэдэд учирсан хохирлыг буруутай албан тушаалтнаар нөхөн төлүүлж, 735,135,000 төгрөгийн хохирлыг барагдуулж шийдвэрлэлээ.

ХАСХОМ-ийн хяналт шалгалтаар 10 мэдүүлэг гаргагч нь гэр бүлийн гишүүдийн татвар ногдуулах орлогоо үнэн зөв тайлагнаагүй байж болзошгүй нөхцөл байдал илэрсэн тул Татварын ерөнхий хуулийн 34 дүгээр зүйлд зааснаар 2 мэдүүлэг гаргагчид холбогдох мэдээллийг Татварын ерөнхий газарт шилжүүлснээр шалгалтаар нийт 4,738,929,320 төгрөгийн татварын зөрчил илэрч, 590,963,393 төгрөгийн нөхөн татвар, торгууль, алданги ногдуулсан байна.

АВЛИГЫН ГЭМТ ХЭРГИЙГ ИЛРҮҮЛЭХ, МӨРДӨН ШАЛГАХ

Гэмт хэргийн шинжтэй гомдол, мэдээллийн шийдвэрлэлт

Гэмт хэргийн
шинжтэй
1847 гомдол,
мэдээллийг
хянан үзсэн.

1322 гомдол,
мэдээлэлд мөрдөн
шалгах ажиллагаа
явуулсан.

639 гомдол,
мэдээлэлд хэрэг
бүртгэлт, мөрдөн
байцаалтын хэрэг
нээсэн.

Шийдвэрлэлт
97.1 хувьтай.

ГОМДОЛ, МЭДЭЭЛЛИЙГ ХОЛБОГДОХ ТӨРИЙН АЛБАН ТУШААЛТНЫ ТӨРӨЛ ЗААВРААР НЬ АНГИЛБАЛ:

482
ТӨРИЙН
ЗАХИРГААНЫ

364
ТӨРИЙН
ҮЙЛЧИЛГЭЭНИЙ

194
УЛС ТӨРИЙН

164
ТӨРИЙН БОЛОН
ОРОН НУТГИЙН
ӨМЧИТ ХУУЛИЙН
ЭТГЭЭДИЙН

79
ТӨРИЙН
ҮЙЛЧИЛГЭЭНИЙ

46
БУСАД

Эрүүгийн хэргийн шийдвэрлэлт

Хуульд заасан харьяаллын **2259** үйлдэлтэй, **1369** холбогдогчтой, **1911** эрүүгийн хэрэгт хэрэг бүртгэлт, мөрдөн байцаалтын ажиллагаа явуулсан. Өмнөх оноос **2.5** хувиар өссөн.

Нийт шалгасан хэргийн **367** шүүхэд шилжүүлэх саналтай прокурорт шилжүүлсэн. Хэргийн шийдвэрлэлт **57.0** хувьтай.

Шүүхээр шийдвэрлэсэн хэрэг

Шүүхээр **225** эрүүгийн хэрэг эцэслэн шийдвэрлэгдсэн байна.

Өмнөх оноос **4.2** хувиар өссөн.

Авлигын гэмт хэргийн хохирол нөхөн төлүүлэлт

Мөрдөн шалгах ажиллагааны явцад нөхөн төлүүлсэн дүн
163 тэрбум 115 сая 202 мянга 225 төгрөг

Битүүмжлэн хамгаалсан эд хөрөнгө, бэлэн мөнгө
84 тэрбум 674 сая 598 мянга 500 төгрөг

Мөрдөн шалгасан нийт хэргийн хувьд:

**367 хэрэг
(19.2%)**

Шүүхэд шилжүүлэх саналтайгаар прокурорт шилжүүлсэн;



**543 хэрэг
(28.4%)**

Хэргийг хэрэгсэхгүй болгох эсвэл хаах саналтайгаар ирүүлсэн;



**53 хэрэг
(2.7%)**

Шүүхэд шилжүүлэх саналтайгаар прокурорт шилжүүлсэн;



**88 хэрэг
(4.6%)**

Нэгтгэн шалгасан;



**35 хэрэг
(1.8%)**

Түдгэлзүүлсэн.



Мөрдөн шалгах ажиллагаа явуулсан хэргүүд:

1,419 хэрэг (62.8%)

Эрүүгийн хуулийн 22.1 (Эрх мэдэл, албан тушаалаа урвуулан ашиглах).



237 хэрэг (10.5%)

Эрүүгийн хуулийн 22.4 (Хахууль авах).



172 хэрэг (7.6%)

Эрүүгийн хуулийн 22.5 (Хахууль өгөх).



21 хэрэг (0.9%)

Эрүүгийн хуулийн 22.8 (Төсвийн хөрөнгийг зориулалтын бусаар зарцуулах).



61 хэрэг (2.7%)

Эрүүгийн хуулийн 22.10 (Үндэслэлгүйгээр хөрөнгөжих).



43 хэрэг (1.9%)

Эрүүгийн хуулийн 22.12 (Хуулийн этгээдийн эрх мэдлийг урвуулан ашиглах).



60 хэрэг (2.7%)

Эрүүгийн хуулийн 18.6 (Мөнгө угаах).



213 хэрэг (9.4%)

Бусад гэмт хэрэг.



Шүүхээр шийдвэрлэсэн эрүүгийн хэрэг

2025 онд шүүхээр нийт **225** эрүүгийн хэрэг шийдвэрлэгдсэн нь өмнөх оны мөн үеэс **4.2%**-иар өссөн үзүүлэлт юм.

Гэмт хэргийн улмаас учирсан хохирол нөхөн төлөлт

Мөрдөн шалгах ажиллагааны явцад нийт **674.7** тэрбум төгрөг (**189.7** сая ам.доллар)-ийн хохирол тогтоогдсон.

163.1 тэрбум төгрөг (**45.9** сая ам.доллар)-ийг нөхөн төлүүлж, **84.7** тэрбум төгрөг (**23.8** сая ам.доллар)-ийн үл хөдлөх, хөдлөх хөрөнгө, бэлэн мөнгийг битүүмжлэн хамгаалсан байна.

НЭГ ӨГҮҮЛБЭРЭЭР

- Үндэсний аудитын газраас Төсвийн ерөнхийлөн захирагчийн 2024 оны жилийн төсвийн гүйцэтгэл, санхүүгийн нэгтгэсэн тайланд хийсэн аудитын хяналт шалгалтаар “Зөрчилгүй” дүгнэгдлээ.
- “Ухаалаг засаг 2” төслийн хүрээнд мэдүүлгийн бүрдүүлэлт /meduuleg.iaac.mn/-ийн болон хяналт шалгалт /iad.iaac.mn/-ын системүүдийг бүрэн шинэчилж 2026 оны 1 дүгээр сарын 1-ний өдрөөс үйл ажиллагаанд нэвтрүүлэх бэлтгэл ажлыг хангаж байна.
- Авлигын хор аюулыг ухуулан таниулах, авлигын эсрэг хууль тогтоомжийг сурталчлах зорилгоор, мэдүүлэг гаргагч нар зориулсан нийт 647 удаагийн сургалтад 51746 хүнийг хамруулсан нь өнгөрсөн оноос 13.9 хувиар өссөн дүнтэй байна.
- Авлигын эсрэг үйл ажиллагааны төлөвлөгөөний биелэлтийг үнэлэхэд нийт төрийн 91 байгууллагын өөрсдийн дундаж үнэлгээ 95,6 хувь, Авлигатай тэмцэх газраас хийсэн хөндлөнгийн үнэлгээний дунджаар 66.6 хувьтай байв.
- 45630 албан тушаалтны мэдээлэлд эрсдэл тооцож, дүн шинжилгээ хийхэд Авлигатай тэмцэх газарт мэдүүлгээ бүртгүүлдэг албан тушаалтнууд, Дорнод аймгийн ИТХ, Улсын Их Хурлын Тамгын газар, Нийслэлийн ИТХ, Гаалийн ерөнхий газар, Монгол банк, Баян-Өлгий аймгийн ИТХ, Эрүүл мэндийн яам, Улсын Ерөнхий прокурорын газар, Нийслэлийн Засаг даргын Тамгын газар, Дорноговь аймгийн ИТХ, Хөвсгөл аймгийн ИТХ, Гадаад харилцааны яам, Өмнөговь аймгийн ИТХ, Сүхбаатар аймгийн ИТХ зэрэг байгууллагын албан тушаалтны мэдүүлгийн эрсдэлийн дундаж оноо бусад байгууллагынхаас харьцангуй өндөр дүнтэй байв.
- Ашиг сонирхлын зөрчилд хамаарах гомдол, мэдээллийг агуулгын хувьд авч үзвэл албаны эрх мэдэл буюу албан тушаалын байдлаа урвуулсан, хэтрүүлсэн 18.4 хувийг, бусдад давуу байдал олгосон 24.8 хувийг, ашиг сонирхлын зөрчилтэй хууль бус шийдвэр гаргасан 24.4 хувийг, хууль бус томилгоо хийсэн 23.2 хувийг, бусад 9.2 хувийг тус тус эзэлж байна.
- Эрүүгийн хэрэг хянан шийдвэрлэх тухай хуульд зааснаар гэмт хэрэг гарахад нөлөөлсөн шалтгаан, нөхцөлийг арилгах арга хэмжээ авахуулахаар холбогдох хуулийн этгээдэд 200 мэдэгдэл хүргүүлснээс 157 мэдэгдлийн хариуг хүлээн аваад байна.
- Мөрдөн шалгах ажиллагаа явуулсан гэмт хэргийн талаарх 1322 гомдол, мэдээллийг холбогдсон албан тушаалын ангиллаар нь авч үзвэл төрийн улс төрийн 194, төрийн захиргааны 482, төрийн тусгай 364, төрийн үйлчилгээний 79, төрийн болон орон нутгийн өмчит хуулийн этгээдийн 164, бусад 46 байна.
- Мөрдөн шалгах ажиллагаа явуулсан 1322 гомдол, мэдээллийн 688 буюу 52.0 хувийг Улаанбаатар, 634 буюу 48.0 хувийг орон нутгийн гомдол, мэдээлэл эзэлж байна.
- Нийт шалгасан хэргийн 367 буюу 19.2 хувийг шүүхэд шилжүүлэх саналтай, 543 буюу 28.4 хувийг хэрэг бүртгэлтийн хэрэг хаах, эрүүгийн хэргийг хэрэгсэхгүй болгох саналтай, 53 буюу 2.7 хувийг харьяаллын дагуу шилжүүлэх саналтай прокурорт шилжүүлж, 88 буюу 4.6 хувийг нэгтгэн шалгаж, 35 буюу 1.8 хувийг түдгэлзүүлж, одоо 825 эрүүгийн хэргийн үлдэгдэлтэй байгаагаас хэрэг бүртгэлтийн 783 хэрэг, мөрдөн байцаалтын 42 хэрэг байна.
- Авлигын гэмт хэрэгт холбогдон шалгагдсан этгээдийн 116 буюу 8.5 хувийг төрийн улс төрийн, 244 буюу 17.8 хувийг төрийн захиргааны, 212 буюу 15.5 хувийг төрийн тусгай, 193 буюу 14.1 хувийг төрийн үйлчилгээний, 129 буюу 9.4 хувийг төрийн болон орон нутгийн өмчит хуулийн этгээдийн, 475 буюу 34.7 хувийг бусад этгээд эзэлж байна.
- Олон улсын хөгжлийн эрх зүйн байгууллага (IDLO)-аас хэрэгжүүлэхээр төлөвлөсөн “Монгол Улсын институцийн шударга, ил тод байдал /2024–2027/” төслийн хоёрдугаар хөтөлбөрийн хүрээнд Авлигын гэмт хэргийг мөрдөн шалгах, илрүүлэх, түүнээс урьдчилан сэргийлэх, хяналтын тогтолцоог бэхжүүлэх, санхүүгийн мөрдөн шалгах ажиллагаа, түүний дотор хөрөнгө, орлого, зарлагыг хянах болон эрх зүйн тусалцаа харилцан үзүүлэх ажиллагааны чиглэлээр мөрдөгчдийн мэргэжлийн ур чадварыг дээшлүүлэх, авлигатай тэмцэх, урьдчилан сэргийлэх иргэд, олон нийтийн мэдлэг, ойлголтыг нэмэгдүүлэхэд чиглэгдсэн арга хэмжээг тус төсөлд үндэслэн хэрэгжүүлэхээр төлөвлөн нээлтийн үйл ажиллагааг 2025 оны 12 дугаар сарын 12-ны өдөр зохион байгууллаа.